



słowo tygodnja

ŁOŽO PASĆ RĚKA

č. 8

- a) wulke łožo z drjewjanych hrjadow twarić
- b) sej rjane dupołdnjo we łožu činić
- c) chory we łožu ležeć (dyrbjeć)

Prawa je wotmołwa **c**.

Je to wuraz, kotryž zwjazuje něhdy rozšěrjene pasenje (zwjetša skotu) a wotpočink. Posenje traje cyły dzeń, a štóž dyrbi łožo pasć, dyrbi zwjetša chorosće dla we łožu wostać. To potajkim njeje cyle dobrowólny čin, ale bjez njeho so njewustrowiš.

Takle móžeš to tež prajić:

- chory być, we łožu ležeć dyrbjeć

Připódlu prajene:

Samsnu formu, tola hinašu motiwaciju mamy we wurazu lěnjeho pasć, hdžež móžemy tež wo łožu ležeć, byrnjež chori njebyli.

Přikłady za wužiwanje:

»Maks je chory a njemóže won přińć. Dyrbi łožo pasć, dokelž ma zymicu«, wujasni mać Benej, kotryž před durjemi na swojeho přećela čakaše.

(Lubina Hajduk-Veljkovičowa)

Hdyž takle cyły dzeń łožo pasu, dže so mi nazajtra zwjetša lěpje. Ale dlěje hač něšto dnjow to njewutraj. (Lubina Hajduk-Veljkovičowa)